

JOXE ANGEL GAZTAÑAGA

Gipuzkoako Sagardogileen Elkarteko Lehendakaria

«Sagardoa ona izatea da gure helburua»

☉ Joxe Angel Gaztañaga, Gipuzkoako Sagardogileen Elkarteko lehendakari berria da. Kargua, duela gutxi hartu du. BERRIAREKIN egon da Gipuzkoako Sagardogileen Elkarteari buruz hitz egiten, Elkartearen nondik norakoak argitzeko. Sagardoren gorabeherei buruz ere aritu da. Gaztañaga Sagardotegiko nagusia da eta.

Kargua hartu berri duzu. Nolatan hautatu zaituzte lehendakari? ☉ Bai, duela oso gutxi hartu dut. Norbaitek izan behar zuen lehendakaria eta zuzendaritza batzordean nire ize-na hautagai bezala ematea pentsatu zuten. Oso jende gutxi egoten da prest horrelako karguak hartzeko, berez izaten den baino an gehiago edukitzea ekartzen duelako. Bozketa bat egin zen zuzendaritza batzordean, lehendakari izateko prest geunden artean eta niri egokitu zitzaizkidan. Ahal dudan ondoen egiten saiatuko naiz nire lana.

Zer suposatzen du elkarteko lehendakaria izateak? ☉ Lan asko eta konpromiso asko suposatzen ditu, gisa honetako kargu guztien antzera. Baina, denon borondatearekin aurrera aterako garela uste dut.

Zer lan egiten du zuen elkarteak? ☉ Sagardoaren promozioa eta elkarteko kideei sortzen zaizkien arazoak konpontzea da izaten dugun lanik nagusia. Elkarte garen momentutik denok batera indar handiagoa dugu edozein arazoren aurrean. Iritzi guztiak entzun eta gero, denon artean erabaki zer egin be-



JON URBE / ARGAZKI PRESS

har den arazoei irtenbidea emateko. Ikerketak eta sagarraren prezioekin eta antzeko lanekin ere aritzen gara. Dirulaguntzak eta elkarte bezala eskatzen ditugu eta gero elkarteko artean banatzen ditugu, administrazio gisako lanak erraztearren.

Zenbat bazkide zarete? ☉ 65 bazkide gara elkartearen. Gipuzkoa osoko sagardotegiak gauden arren gehientsuenak hemen ingurukoak gara, Hernani Astigarraga ingurukoak. Izan ere sagardotegi gehienak hemen inguruan biltzen gara.

ABANTAILAK
«Batera egin ahal diren gauzak halaxe egiten ditugu, lana errazteko»

XEDEA
«Sagardoa ona izatea eta lan prozesua erraztea dira gure helburuak»

Zer suposatzen du bazkide izateak? ☉ Kanpoko sagarren erosketak eta elkarte bezala egiten dira, diru laguntzak eta administrazio lanak ere elkarte bezala egiten dira. Azken finean, batera egin daitezkeen gauzak batera egiten ditugu, guztion lana erraztearren eta baldintzak hobetzeko.

Gipuzkoan bakarrik al dago sagardotegien elkarteak? ☉ Elkarte bera bai, 65 bazkiderekin. Gipuzkoatik kanpora ere badaude taldeak sagardoaren ingurukoak. Guztiekin ditugu ha-

rremanak, denok gauza berean ari gara eta lanean.

Zer nolako harremana duzue? ☉ Harreman ona dugu. Guk zerbait lortzen badugu guztiontzako lortzen dugu, ez elkarteko kideentzat bakarrik. Eta haiek ere zerbait lortzen dutenean berdin egiten dute. Denok sagardogileak gara eta helburu berdina dugu: sagardoa ona izatea eta lan prozesua erraztea, hain zuzen ere.

Egun nola dago sagardotegien egoera? ☉ Hasiara batean boom handi bat egon zen sagardotegiekin. Orain ere jende asko etortzen da sagardotegietara. Baina, orain jendea erakartzen duten gauza asko daude, eta horietara ere joaten da jendea, ez baikaude sagardotegiak bakarrik. Hala ere, oraindik ere jende asko etortzen da sagardotegietara eta nire iritziz gauzak txukun eta ondo egiten jarraituz gero sagardotegietara jendeak etortzen jarraituko du. Sagardogoxo eta ona eginez gero jendea etorriko da.

Eta etorkizunera begira? ☉ Nik uste, gauzak ondo egiten jarraitzen badugu aurrera egiteko moduan izango garela. Oraindik 2004an gaude eta hasi bakarrik egin gara. Optimistak gara eta optimistak izaten jarraitu behar da gerora begira ere.


Eta aurtengo denboraldiari begira zer espero duzu? ☉ Nik uste dut sagardoa ona izango dela, gorputz ederrekoa. Usain ederra izango du. Kolorea, agian pixka bat horiagoa izango da, baina sagardogoxo izango da aurtengoa.

ALTZUETA
TOLARE - SAGARDOTEGIA

Fabrika per Altzuetako Sagardotegia S.L. Hernani (Gipuzkoa) - S.A. 4. 50113

Data zehatzik ez dakigunez, Altzuetan sagardoa egiten aspaldi hasi ginela esan behar... aurreko mendearen hasierarako bai behintzat. Sagardoa egiteko, tankera guztitako sagarrak erabiltzen ditugu, gazi zein gozoak, garratzak eta mikatzak, bakoitza bere neurri jakinean. Sagar guzti hoiak tajuz nahastetik etortzen da gero, hain estimatua den Altzuetako Sagardoa. Udako beroaldiak pasa eta gero, udazkenek ekarri digu urtero bezalaxe, Sagardo urte berria. On egin deigula janak, eta kalterik ez edanak! Txotx!

**OTSAILETIK
AURRERA
IREKIA**



tel. 943 55 15 02 - Altzuetako Sagardotegia - Osinaga Auzoa, 7 - 20128 Hernani - Gipuzkoa